

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>





金剛頂經瑜伽文殊師利菩薩法一品
金剛頂瑜伽經十八會指歸
訶利帝母真言法

唐特進試鴻臚卿三藏沙門大廣智不空奉詔譯

金剛頂經瑜伽文殊師利菩薩法一品、金剛頂瑜伽經十八會指歸、訶利帝母真言法



清刻龍藏佛說法變相圖

三經同卷

隸八

金剛頂經瑜伽文殊師利菩薩法一品

金剛頂瑜伽經十八會指歸

訶利帝母真言法

法呪 金剛頂經瑜伽文殊師利菩薩法一品亦名五字

唐特進試鴻臚卿三藏沙門大廣智不空奉詔譯

爾時文殊師利菩薩在毗盧遮那大會中從座而起頂禮佛足白佛言世尊我今說本五字陀羅尼若有善男子善女人纔誦一遍者一切如來所說法義修多羅藏讀誦受持等彼功德毗盧遮那佛告文殊師利言隨意說之爾時文殊師利即說明曰
 娑囉跛者曩

纔說此陀羅尼一切如來所說法攝入五字陀羅尼中能令利益衆生般若波羅蜜多成就我今當說曼荼羅法或十四日十五日選擇極清淨處作曼荼羅以瞿摩夷塗地復以白檀香泥塗之隨意大小於曼荼羅中畫文殊師利童子形狀身如鬱金色種種瓔珞莊嚴其身右手把金剛劍左手把梵夾坐於月輪中於月輪四面周旋書五字陀羅尼阿闍黎對於此壇結金剛劍印念誦時文殊師利加持此阿闍黎即得無礙辯才仍爲現身一

陀羅尼極應祕密阿囉跛者曩者是滿一切願義何以故阿字者樂欲菩提義囉字者染著不捨衆生義跛字者第一義諦義者字者妙行義曩字者無自性義樂欲菩提不捨衆生染第一義諦中行行修習諸法無有自性若如是修滿一切願此諸願中證如來位及執金剛不求當得

一解釋此陀羅尼甚深義理時阿闍黎即當禮拜出道場外爲弟子授菩薩戒即以緋帛覆眼引入壇場門次而立時阿闍黎告弟子言汝今獲一切如來般若波羅蜜自今已後不應向人而說此明勿令破汝三摩耶法此

我今又說契經印曼荼羅壇中畫金剛劍四面各於本方畫八供養契及四攝契對於此壇念誦不久即當成就我今又說三摩耶曼荼羅壇中書五字及八供養四攝種子字對此壇念誦而作是言阿字門者諸法本不生日日念誦不久一切罪障消滅速得成就我今又說羯磨曼荼羅壇中安般若波羅蜜經卷日日讀誦念誦以種種供養而供養之不

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



久即當成就我今當說畫像法或白氎絹素
等中畫文殊師利菩薩坐月輪中輪內周旋
書五字四面畫八供養及四攝如大壇法對
此像前如法念誦而作是言諸法自性成就
念誦數滿五十萬徧即獲無盡辯才如文殊
師利菩薩等無有異飛騰虛空所求世間出
世間事悉得成就又念誦數滿一俱胝徧離
諸苦惱滿二俱胝徧五無間等一切罪障永
盡無餘三俱胝徧證悟一切諸三昧門四俱
胝徧獲大聞持五俱胝徧成阿耨多羅三藐
三菩提又法於舍利塔四面周旋^三右轉書五
字陀羅尼遶塔行道念誦勿令斷絕滿五洛
叉徧爾時如來及文殊師利執金剛等於虛
空中而現其身仍爲說法

金剛頂經瑜伽文殊師利菩薩法一品

金剛頂瑜伽經十八會指歸

唐特進試鴻臚卿三藏沙門大廣智空奉詔譯

金剛頂經瑜伽有十萬偈十八會初會名一切如來真實攝教王有四大品一名金剛界二名降三世三名徧調伏四名一切義成就表四智印於初品中有六曼荼羅所謂金剛界大曼荼羅并說毗盧遮那佛受用身以五相現成等正覺五相者所謂通達本心修菩薩身圓滿此則成佛後以金剛三摩地現發生三十七智廣說曼荼羅儀則為弟子受速證菩薩地法第二說陀羅尼曼荼羅具三十七此中聖眾皆住波羅蜜形廣說入曼荼羅儀軌為弟子受四種眼說敬愛鈎召降伏息災等儀軌第三說微細金剛曼荼羅亦具三十七聖眾於金剛杵中畫各持定印廣說入曼

荼羅儀軌為弟子令心堪任令心調柔令心自在說微細金剛三摩地修四靜慮法修四無量心及三解脫門第四說一切如來廣大供養羯磨曼荼羅亦具三十七彼中聖眾各持本標幟供養而住廣說入曼荼羅法弟子說受十六大供養法第五說四印曼荼羅法弟子受四種速成就以此曼荼羅求悉地成就像如上四曼荼羅中所求悉地於此像前求成就第六說一印曼荼羅若持毗盧遮那真言及金剛薩埵菩薩具十七尊餘皆具十三亦說入曼荼羅儀與弟子受先行法修集本尊三摩地次說降三世大品有六曼荼羅如來成等正覺已於須彌盧頂轉金剛界輪已與諸菩薩名號受職已摩醯首羅等剛彊難化不可以

寂靜法而受化盡虛空徧法界一切如來異口同音請以一百八名讚禮金剛薩埵如是諸天不可以寂靜法而受化一切如來請以即入忿怒金剛三摩地現太威德身以種種方便調伏乃至至死摩醯首羅死已自見於下方過六十二恒河沙世界名夾莊嚴彼世界成等正覺名為怖畏自在王如來執金剛菩薩以脚按上誦金剛壽命真言復得蘇既受化已金剛薩埵則說大曼荼羅引入諸天受金剛名號諸天有五類第一居上界天王摩醯首羅等無量諸天及后第二遊虛空諸天日天子等無量諸天及后第三居虛空天魔王等無量諸天及后第四地居天主藏天等無量諸天及后第五地下嚩囉四天等無量諸天及后悉皆引已入勅諸天建立諸

緣八

五

曼荼羅汝等赴會所求一切悉皆與成辦此等皆是外金剛部
第一說曼荼羅儀則皆具三十七說降伏法及修神通法第二說秘密曼荼羅具三十七說引弟子儀此中諸音聲及金剛歌舞第三說曼荼羅具三十七說引入弟子儀此中說以慈悲喜捨作阿毗遮嚕迦法微細金剛調心軌儀第四說羯磨曼荼羅具三十七說入曼荼羅儀令弟子學護摩儀軌於無量佛菩薩所成廣大供養速得悉地現前說二十五種護摩爐隨類所求法第五說四印曼荼羅具二十一成就諸藥法等已上四曼荼羅中成就法於此曼荼羅中成就法於此曼荼羅像前求第六說一印曼荼羅具十七說引入弟子及先行法

次爲外金剛部衆說四種曼荼羅各說本真言本印契獻佛佛爲說教勅大曼荼羅具三十七說引入弟子儀說爲弟子使役金剛部軌則此中說大佛頂及光聚佛頂真言及契亦通一字頂輪法次說第二教勅三昧耶曼荼羅彼諸天后等各獻本真言佛爲說曼荼羅具三十七說爲弟子說修藥又女法廣說諸儀軌次第三說教勅法曼荼羅諸天說真言獻佛佛爲彼等說曼荼羅具三十七說引入弟子儀爲弟子說諸天之法法印由此印不違越本誓次第四說教勅羯磨曼荼羅具三十七說引入弟子儀彼等諸天各說本真言佛爲說曼荼羅說諸天舞儀說成就諸事業速疾法

六

六

次說徧調伏大品有六種曼荼羅第一大曼

荼羅具三十七皆觀自在菩薩變現說引入弟子儀此中說十六種成就速疾神通三摩地儀第二說三昧耶曼荼羅具三十七皆觀自在菩薩變現說引入弟子儀此中說鈎召敬愛十六種三摩地第三說法曼荼羅具三十七皆觀自在菩薩變現說引入弟子儀此中說修心及求智慧辯才法十六種第四說羯磨曼荼羅具三十七皆觀自在菩薩變現說引入弟子儀此中說蓮華部供養儀及轉罪障報障蓋纏業障法第五說蓮華部四印曼荼羅具二十一皆觀自在菩薩變現說引入弟子儀此中說成就先行法及成就先行如上四種曼荼羅法第六說蓮華部印一印曼荼羅具十三皆觀自在菩薩變現說引入弟子儀此中說修本尊法通修世間出世間法

次說一切義成就大品中有六曼茶羅第一大曼茶羅具三十七此中說引入弟子儀由入此曼茶羅除貧匱業說求豐財求佛菩薩位及世間榮位第二秘密三昧耶曼茶羅具三十七此中說引入弟子儀說求伏藏法速滿檀波羅蜜福德聚法第三法曼茶羅具三十七此中說引入弟子儀說寶部中修三摩地法令心安住令心堪任令心調柔令心自在見虛空藏菩薩第四羯磨曼茶羅具三十七此中說引入弟子儀說加持掘伏藏事業法并說寶部中廣大供養諸佛儀第五四印曼茶羅具二十一說引入弟子儀說修先行法及說修四曼茶羅中悉地法第六一印曼茶羅具十三說引入弟子儀說修一尊法及修諸藥等三摩地皆是則彼婆伽梵執金剛

虛空藏變化次都說如前一曼茶羅中秘密助成方便散誦次後示釋迦牟尼佛降於閻浮提變化身八相成道皆是普賢菩薩幻化一切如來還以一百八名讚揚金剛薩埵如是第一會次說第二會名一切如來秘密主瑜伽於色究竟天說具四大品廣說微細實相理及廣說降摩醯首羅天以偈與金剛菩薩酬答

次說第三會名一切教集瑜伽於法界宮殿說一切如來異口同音問金剛薩埵菩薩一百八問金剛薩埵菩薩一一答此經中說大曼茶羅五部一一部中五曼茶羅各具三七都成一大曼茶羅一一尊各各說四印所謂大印三昧耶印法印羯磨印各說成就法此經中說一百三十五種護摩爐一一爐所

求各異次說第四會名降三世金剛瑜伽於
須彌盧頂說金剛藏等八大菩薩一一尊各
說四種曼荼羅初會說降伏摩醯首羅及說
天人曼荼羅受職受名號四種曼荼羅所謂
大曼荼羅三昧耶曼荼羅法曼荼羅羯磨曼
荼羅及一切尊說引入弟子儀及成就法後
都說尊三昧耶結印次第及說秘密禁戒及
秘密修行第五會名世間出世間金剛瑜伽
於波羅柰國空界中略說五佛曼荼羅及諸
菩薩諸外金剛部曼荼羅一一曼荼羅具四
種各說引入弟子儀及求悉地法第六會名
大安樂不空三昧耶真實瑜伽於佗化自在
天宮說此經中說普賢菩薩曼荼羅次說毗
盧遮那曼荼羅次後說金剛藏等至金剛拳
菩薩及外金剛部說般若理趣一一尊具說

四種曼荼羅各說引入弟子儀授理趣般若
波羅蜜多及授四種印法品中各說求世間
出世間悉地法第七會名普賢瑜伽於普賢
菩薩宮殿中說普賢菩薩等至金剛拳菩薩
及外金剛部一一尊各說四種曼荼羅說引
入弟子儀說受四種印修世間出世間悉地
此經中說修行人無時無方不依世間禁戒
以菩提心為先無為戒為本第八會名勝初
瑜伽於普賢宮殿說普賢菩薩等至外金剛
部各各說四種曼荼羅說實相理及分別諸
曼荼羅儀則稍廣於第七會說大略同第九
會名一切佛集會拏吉尼戒網瑜伽於真言
宮殿此中說立自身為本尊瑜伽訶身外至
形像瑜伽者廣說實相理并說五部根源并
說瑜伽法具九味所謂華麗金剛勇健毗盧
薩埵遮那

大悲持金剛喜笑觀自瞋怒金剛恐怖降世三獸

患釋迦牟尼佛奇特金剛笑寂靜盧遮那說普賢

菩薩等至金剛拳各說四種曼荼羅及引入

弟子儀及授四種印并說五部中歌讚舞儀

第十會名大三昧耶瑜伽於法界宮殿說普

賢菩薩等至金剛拳十六大菩薩各各說四

種曼荼羅說引入弟子儀授四種印法此中

說偈云

愚童覆無智 不知此理趣 餘處而求佛

不悟此處有 十方世界中 餘處不可得

心自為等覺 餘處不說佛

第十一會名大乘現證瑜伽於阿迦尼吒天

說毗盧遮那佛等金剛至毗首羯磨菩薩及

八大供養四攝出生同真實攝瑜伽一一尊

具四種曼荼羅四種印廣說實相理心建立

曼荼羅儀則第十二會名三昧耶最勝瑜伽

於空界菩提場說毗盧遮那等四部中上首

菩薩金剛拳等第八菩薩及外金剛部各各

說四種曼荼羅四印等此經中於自身上建

立曼荼羅說自身本尊瑜伽廣說阿字門通

達於染淨有為無為無礙第十三會名大三

昧耶真實瑜伽於金剛界曼荼羅道場說十

方一切佛異口同音請金剛薩埵惟願說三

昧耶真實教法我等先已受訖惟願金剛薩

埵為諸菩薩說得請已說普賢菩薩十七字

真言說適悅誦八不空曼荼羅具十七亦說四種

曼荼羅說一百八道契說通求世間出世間

悉地隨此諸菩薩及外金剛部各各說本曼

荼羅本真言本印契竟普賢菩薩說秘密中

曼荼羅十七尊支分各復入本尊身共成五

尊同居一蓮華臺說一字真言從眼口及一切支分變異即成印但住大印結羯磨印不待先行不藉結護加持亦不假迎請宿業罪障不能凌逼亦不障礙速疾成就第十四會名如來三昧耶真實瑜伽此經中普賢菩薩十六大菩薩四攝成一身說四種曼荼羅四印廣說五部互圓融如來部即金剛蓮華部即寶部互相涉入法界即真如般若即實際於假施設有異於本即一體次普賢後諸菩薩及外金剛部各說本真言本曼荼羅本印契第十五會名秘密集會瑜伽於秘密處說所謂喻婆伽處說號般若波羅蜜宮此中說教法壇印契真言住禁戒以如世間貪染相應語會中除蓋障菩薩等從座而起禮佛白言世尊大人不應出麤言雜染相應語佛

十一

十一

言汝等清淨相應語有何相狀我之此語加持文字應化緣方便引入佛道亦無相狀成大利益汝等不應生疑從此廣說實相三摩地諸菩薩各各說四種曼荼羅四印第十六會名無二平等瑜伽於法界宮說毗盧遮那佛及諸菩薩并外金剛部等各各四種曼荼羅具四印此中說生死涅槃世間出世間自他平等無二種心舉自聲香味觸雜染思慮住亂心無二同真如法界皆成一切佛身第十七會名如虛空瑜伽住實際宮殿說毗盧遮那佛普賢菩薩及外金剛部一一說四種曼荼羅具四種印此中修行者與一一尊相應皆量同虛空法身相應利一切萬物法體光明量同虛空無來無去此經中說虛空三摩地相應法第十八會名金剛寶冠瑜伽於

第四靜慮天金剛薩埵菩薩佛為大梵天娑訶世界主說五部瑜伽曼荼羅引入弟子儀具三十七亦說四種曼荼羅具四印下至外金剛部為弟子授學心念誦於月輪上有旋列真言字住心於一一字實相理相應周而復始亦通成就世間出世間悉地不假持珠徧數以為劑限但證理門心不散動住本尊瑜伽為限微細說不成就二十種相及說鄰近悉地多種相瑜伽教十八會或四千頌或五千頌或七千頌都成十萬頌具五部四種曼荼羅四印具三十七尊一一部具三十七乃至一尊成三十七亦具四曼荼羅四印互相涉入如帝釋網珠光明交映展轉無限修行者善達此瑜伽中大意如徧照佛一一身分一一毛孔一一相一一隨形好一一福德

第八

十三

資糧一一智慧資糧住於果位演說瑜伽三乘不共佛法說曼荼羅三昧邪法門事業量同虛空證者如上所說各各分劑各不雜亂圓證四身所謂自性身受用身變化身等流身是能作頓利樂一切有情諸菩薩聲聞緣覺及諸外道名瑜伽金剛乘教法

金剛頂瑜伽十八會指歸

訶利帝母真言法

唐特進試鴻臚卿三藏沙門大廣智不空奉 詔譯

爾時訶利帝藥叉女在佛衆會從座而起五體投地禮佛雙足而白佛言我有心真言猶如真多摩尼寶能滿一切意願為利益安樂閻浮提諸善女人及男女故惟願世尊哀愍聽許我今說之真言曰

唵一引 弩弩麼引里迦引 唎帝娑嚩引二合 訶引二

若有女人不宜男女或在胎中墮落斷叙不收皆由四大不宜男女不能調適或被鬼神

誅八

十三

作諸障難此是宿業因緣不宜男女應取白氈或一肘或一碟手或長五寸或隨意大小畫訶利帝母作天女形像金色身著天衣頭冠瓔珞坐寶臺上垂下兩足於垂足兩邊畫二孩子傍寶臺立於二膝上各坐一孩子以

左懷中抱一孩子於右手中持吉祥果畫師應受八戒其彩色中不用皮膠畫像成已淨治一室嚴儀塗拭以香泥作方壇置像壇中以種種華散於壇上復以甘脆飲食乳糜酪飯及諸果子闍伽香水燒沉水香而供養像面向西持誦者面東對像念誦每日三時時別誦一千徧取月生五日起首先誦千萬徧然後對像前念誦所求一切事皆悉圓滿又法女人欲得男女者月經後澡浴取黃牛乳母子同色者犂乳一升置銀器中以右手無名指攪乳誦真言加持一千八十徧然後取服至五日內則得有胎又法欲令佗人歡喜敬愛者或飲食果子或華或香加持一百八徧於真言句中加彼人名將與彼人則得歡喜敬愛

又法若有人作留難口舌者畫彼人形左脚踏之誦真言一千八十徧則得無難

又法欲令一切人歡喜取牛黃末置銀器中准前以無名指攪誦真言加持一百八徧點於額上一切人見皆歡喜順伏

又法若新衣服對像前加持一百八徧然後取著一切人見亦皆歡喜敬愛

又法若有惡夢誦真言一百八徧則得惡夢消除

又法若月蝕時取酥五兩置器中以金筋攪

誦八

十四

無間斷念誦加持乃至月却得圓滿為限然後取一分供養訶利帝母餘者漸喫即有胎孕所生男女聰慧福德

又法取牛膝根作齒木加持一百八徧嚼及揩齒所出言詞令人樂聞意欲所求作人之

事皆得隨意成就

又法欲得壽命長遠者取骨屢草嫩苗搗酥蜜酪護摩七夜別誦真言一千八十徧一擲火中則得長壽

又法欲得所為所作隨意成就者每月生五日二十日塗飾道場散華種種飲食乳糜酪飯及諸果子闍伽香水燒沉香薰陸以用供養先供養一切如來文殊師利菩薩普賢等一切菩薩然後供養我訶利帝母何以故我本藥叉女如來受與我三歸五戒菩提心律儀戒對諸十地菩薩故是先供養諸佛菩薩供養已對此像前誦一萬徧所求事業皆得滿足訶利帝母念誦法

愛子心真言

唵引上尾知上顛引娑引縛二合訶引

誦六

十五

印合掌屈二大拇指入掌中誦心真言供養
訖於頂上放二大拇指即散去請召發遣皆
做此印以白檀香橫量六指作童子形具足
兩手各把果子與人頭上作三髻角子於閑
靜處安置誦真言萬徧即現身問言喚我何
事隨心答之取黃牛肉方寸一加持一燒日
三時滿四日得大自在隨意

又法牛肉安息香爲丸八月三日念誦燒
上香一千八徧至十日已夜半現大光相得
大神力安息香爲丸一加持一燒日三時時
別一千八徧五日調伏一切人
又法百草華一一加持散身上得千人衣食
又法日誦真言燒蘇合香七日見地下金藏
已種種華果飲食壇中供養日日如是得一
切財寶

又法安息香和乳粥一加持一燒七日日三
時時別一千八徧現身共語任意問
又法被禁閉誦一萬徧即解脫治病加持菴
羅果葉乳中漬燒加持除一切病
訶利帝母真言法

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>

